

יב מאחיו: ויפן כה וכה וירא כי
 אין איש ויך את-המצרי
 יג ויטמנהו בחול: ויצא ביום
 השני והנה שני-אנשים
 עברים נצים ויאמר לרשע
 יד למה תכה רעה: ויאמר מי
 שמך לאיש שר ושפט עלינו
 הלהרגני אתה אמר כאשר
 הרגת את-המצרי וירא משה
 טו ויאמר אכן נודע הדבר: וישמע
 פרעה את-הדבר הזה ויבקש
 להרג את-משה ויברח משה
 מפני פרעה וישב בארץ-מדין
 טז וישב על-הבאר: ולכהן מדין
 שבע בנות ותבאנה ותדלנה
 ותמלאנה את-הרהטים
 יז להשקות צאן אביהן: ויבאו
 הרעים ויגרשום ויקם משה
 ויושען וישק את-צאנם:
 יח ותבאנה אל-דעואל אביהן
 ויאמר מדוע מהרתן בא היום:
 יט ותאמרן איש מצרי הצילנו
 מיד הרעים וגם-דלה דלה לנו
 כ וישק את-הצאן: ויאמר אל-
 בנתיו ואיו למה זה עזבתן את-
 האיש קראן לו ויאכל לחם:
 כא ויואל משה לשבת את-האיש
 ויתן את-צפרה בתו למשה:
 כב ותלד בן ויקרא את-שמו גרשם
 כי אמר גר הייתי בארץ נכריה:

ג

כג ויהי בימים הרבים ההם וימת
 מלך מצרים ויאנחו בני-
 ישראל מן-העבודה ויזעקו
 ותעל שועתם אל-האלהים
 כד מן-העבודה: וישמע אלהים
 את-נאקתם ויזכר אלהים את-
 בריתו את-אברהם את-יצחק
 כה ואת-יעקב: וירא אלהים את-
 בני ישראל וידע אלהים:
 רביעי
 גא ומשה היה רעה את- ס
 צאן יתרו חתנו כהן מדין וינהג
 את-הצאן אחר המדבר ויבא
 ב אל-הר האלהים חרבה: וירא
 מלאך יהוה אליו בלפת-אש
 מתוך הסנה וירא והנה הסנה
 בער באש והסנה איננו אכל:
 ג ויאמר משה אסרה-נא
 ואראה את-המראה הגדל
 הזה מדוע לא-יבער הסנה:
 ד וירא יהוה כי סר לראות
 ויקרא אליו אלהים מתוך
 הסנה ויאמר משה משה
 ה ויאמר הנני: ויאמר אל-תקרב
 הלם של-נעליך מעל רגליך כי
 המקום אשר אתה עומד עליו
 ו אדמת-קדש הוא: ויאמר אנכי
 אלהי אביך אלהי אברהם
 אלהי יצחק ואלהי יעקב
 ויסתר משה פניו כי ירא

ו מהביט אל-האלהים: ויאמר
 יהוה ראה ראה ראיתי את-עני עמי
 אשר במצרים ואת-צעקתם
 שמעתי מפני נגשיו כי ידעתי
 ח את-מכאביו: וארד להצילו
 מיד מצרים ולהעלותו מן-
 הארץ ההוא אל-ארץ טובה
 ורחבה אל-ארץ זבת חלב
 ודבש אל-מקום הכנעני
 והחתי והאמרי והפרזי והחוי
 ט והיבוסי: ועתה הנה צעקת
 בני-ישראל באה אלי וגם-
 ראיתי את-הלחץ אשר מצרים
 י לחצים אתם: ועתה לכה
 ואשלחך אל-פרעה והוצא
 את-עמי בני-ישראל
 יא ממצרים: ויאמר משה אל-
 האלהים מי אנכי כי אלך אל-
 פרעה וכי אוציא את-בני
 יב ישראל ממצרים: ויאמר כי-
 אהיה עמך וזה לך האות כי
 אנכי שלחתיך בהוציאך את-
 העם ממצרים תעברון את-
 יג האלהים על ההר הזה: ויאמר
 משה אל-האלהים הנה אנכי
 בא אל-בני ישראל ואמרת
 להם אלהי אבותיכם שלחני
 אליכם ואמרו-לי מה-שמו
 יד מה אמר אלהים: ויאמר
 אלהים אל-משה אהיה אשר